

Headline	Hutan simpan terus kekal		
MediaTitle	SelangorKini		
Date	08 Sep 2021	Color	Full Color
Section	News	Circulation	250,000
Page No	1,10,11	Readership	750,000
Language	Malay	ArticleSize	1729 cm²
Journalist	N/A	AdValue	RM 16,959
Frequency	Weekly	PR Value	RM 50,877



Hutan simpan terus kekal walau nyahwarta HSKLU

Kerajaan Negeri ganti kawasan seluas 581.48 hektar sebagai hutan simpan baharu di daerah Sabak Bernam, Hulu Selangor dan Hulu Langat

> MUKA 10



Headline	Hutan simpan terus kekal		
MediaTitle	SelangorKini		
Date	08 Sep 2021	Color	Full Color
Section	News	Circulation	250,000
Page No	1,10,11	Readership	750,000
Language	Malay	ArticleSize	1729 cm²
Journalist	N/A	AdValue	RM 16,959
Frequency	Weekly	PR Value	RM 50,877

Kawasan nyahwarta diganti lebih luas, sama nilai biodiversiti

Hutan simpan terus kekal

Jabatan Perhutanan Negeri Selangor menjelaskan 46 peratus Hutan Simpan Kuala Langat Utara (HSKLU) masih dikekalkan. Tanah yang dinyahwarta itu diganti dengan kawasan lebih luas dan setara jenis hutannya.

MAKLUMAN berkenaan cadangan menyahwarta Hutan Simpan Kuala Langat Utara (HSKLU) ini telah diterima oleh Jabatan Perhutanan Negeri Selangor daripada Pejabat Tanah Daerah Kuala Langat pada 14 November 2019 susulan satu keputusan pemberian milik tanah melibatkan HSKLU seluas 991.90 hektar atau 2,450 ekar yang diperolehi melalui Majlis Mesyuarat Kerajaan Negeri (MMKN) ke-30 bertarikh 16 Oktober 2019.

Berdasarkan Seksyen 11 Enakmen

(Pemakaian) Akta Perhutanan Negeri Selangor 1985 (Pindaan 2011), pihak berkuasa negeri boleh menyahwarta kawasan hutan simpan kekal sekiranya kawasan itu diperlukan bagi kegunaan ekonomi yang lebih tinggi daripada kegunaan masa kini dengan syarat melalui penyiasatan awam (public inquiry) terlebih dahulu.

Seksyen 12 enakmen yang sama menyatakan keperluan untuk menggantikan kawasan hutan simpan kekal yang

dinyahwarta dengan kawasan yang hampir sama atau lebih baik dari segi ekologi dan keluasan.

Secara keseluruhannya, cadangan penyahwartaan HSKLU ini telah melalui proses yang begitu teliti oleh Jawatankuasa Penyiasatan Awam selaras dengan Kaedah-Kaedah Penyiasatan Awam (Selangor) 2014.


Proses penyiasatan awam ini telah berlangsung selama lebih satu tahun sejak keputusan berkenaan cadangan penyahwartaan HSKLU ini diterima pada November 2019.

Kesemua bantahan yang diterima telah dikumpulkan dan diangkat kepada MMKN Selangor untuk pertimbangan lanjut.

Selain itu, hasil kajian pakar perunding yang dilantik oleh Kerajaan Negeri iaitu UPM Consultancy & Services Sdn Bhd pada tahun 2020 turut digunakan dalam pertimbangan penyahwartaan HSKLU.

Berdasarkan kajian perunding tersebut, didapati nilai biodiversiti (kepelbagaian hayat) HSKLU dan kawasan-kawasan gantian adalah hampir sama.

Melalui MMKN ke-17 pada 5 Mei 2021 yang disahkan oleh MMKN ke-18 pada 19 Mei 2021, hanya seluas 536.70 hektar atau 1,326.3382 ekar daripada keseluruhan kawasan HSKLU ini diluluskan untuk dinyahwarta di bawah Seksyen 11 dan 12 Enakmen (Pemakaian) Akta Perhutanan Negeri Selangor 1985.



Headline	Hutan simpan terus kekal		
MediaTitle	SelangorKini		
Date	08 Sep 2021	Color	Full Color
Section	News	Circulation	250,000
Page No	1,10,11	Readership	750,000
Language	Malay	ArticleSize	1729 cm²
Journalist	N/A	AdValue	RM 16,959
Frequency	Weekly	PR Value	RM 50,877



Majlis Mesyuarat Kerajaan Negeri memutuskan seluas 581.48 hektar atau 1,436 ekar diluluskan sebagai kawasan gantian hutan simpan



Sebahagian kawasan tanah gambut dalam Hutan Simpan Kuala Langat Utara dilihat dari menara tinjau Jabatan Perhutanan Negeri Selangor ketika lawatan Selangorkini pada 26 Februari 2020. Foto HAFIZ OTHMAN

Berdasarkan keputusan MMKN yang sama, seluas 581.48 hektar atau 1,436 ekar telah diluluskan sebagai kawasan gantian hutan simpan iaitu melibatkan:

- PT4182 mukim Sungai Panjang, daerah Sabak Bernam seluas 308.62 hektar atau 762.29 ekar,
- Ampang Pechah, mukim Buloh Telor, daerah Hulu Selangor seluas 208.98 hektar atau 516.40 ekar, dan
- Bukit Broga, mukim Semenyih, daerah Hulu Langat seluas 63.88 hektar atau 157.86 ekar.

Kerajaan Negeri Selangor masih mengekalkan kira-kira 46 peratus daripada kawasan HSKLU, mukim Tanjung Dua Belas, daerah Kuala Langat sebagai hutan simpan kekal.

Kawasan gantian bagi HSKLU yang dinyahwarta ini adalah terdiri daripada jenis hutan paya gambut di mukim Sungai Panjang di mana sama jenis hutan dengan HSKLU.

Manakala, kawasan gantian di Ampang Pechah dan Bukit Broga adalah terdiri daripada jenis Hutan Bukit.

Kawasan gantian Ampang Pechah mempunyai kepentingan koridor rangkaian ekologi hidupan liar dikenali sebagai *central forest spine* (CFS) seperti mana ditetapkan di dalam Rancangan Fizikal Negara Ketiga.

Manakala, kawasan Bukit Broga mempunyai nilai-nilai ekopelancongan yang amat tinggi dan merupakan antara tarikan kawasan pendakian utama di Selangor.

Selain itu, MMKN yang sama juga telah meluluskan sebahagian kawasan untuk penggantian baki Rizab Orang Asli Busut Baru iaitu seluas 42.1 hektar atau 103.9081 ekar di bawah Seksyen 7 Akta Orang Asli 1954.

Justeru, isu tuntutan perizaban kawasan Orang Asli Busut Baru seluas 1,000 ekar sebagai penggantian kawasan disebabkan pembinaan Lapangan Terbang Antarabangsa Kuala Lumpur (KLIA) di Sepang sejak tahun 2006 dapat diselesaikan.

HSKLU ini merupakan hutan yang telah terpisah (isolated) daripada kom-

pleks hutan utama dan mengalami tekanan pembangunan tanah tepu bina di sekelilingnya seperti Lebuhraya Elite, Bandar Saujana Putra dan Gamuda Cove.

HSKLU ini juga telah diklasifikasikan sebagai kawasan yang berisiko tinggi untuk terbakar oleh Jabatan Perhutanan Negeri Selangor pada tahun 2016 dan mengalami kemerosotan (degradation) akibat beberapa kali terbakar pada tahun 2012, 2013, 2014, 2017 dan 2021.

Kerajaan Negeri Selangor turut mengenakan beberapa syarat kepada pemaju Gabungan Indah Sdn Bhd yang telah diluluskan pemberian milikan di kawasan nyahwarta HSKLU pada tahun 2021.

Antaranya adalah keperluan Kajian Impak Alam Sekitar (EIA), Kajian Impak Sosial (SIA) dan syarat-syarat lain yang berkaitan termasuklah pengkalan sebanyak 20 peratus daripada kawasan pembangunannya sebagai kawasan hijau serta keperluan translokasi spesies-spesies flora dan fauna yang berkepentingan.

Justeru itu, Kerajaan Negeri Selangor telah mengambil kira kesemua aspek (due diligence) dalam membuat keputusan yang terbaik berkaitan penyahwartaan HSKLU.

Keputusan ini juga adalah selaras dengan matlamat pembangunan negeri Selangor ke arah kestabilan sosio ekonomi, dinamik, mampan dan lestari.

Kenyataan ini disediakan oleh pengarah Jabatan Perhutanan Negeri Selangor pada 1 September 2021